

Filimon

¹ Ẹta, Yesu Kerisoné ala yó mótu beteremótei, *dipula* beteró betere whì Pol, dāné no Timoti dāmo wusuró bitu dapó. Ita, dā fea betā kutó diterere whì Filimon-paae dapó.

²⁻³ Dāné ne Apiapaaekélé, dā Kótóné alamó betāmó bóe beleraterere whì Artipus-paaekélé, Filimon naao bepaae tourāle wua du betere Keriso so whì feapaaekélé, dāné Aya Kótóró Tale Yesu Kerisotamoné hāle hamokoróló tao sere ala wisiró hosaa muni deyóló mo dua betere alatamo diā tuāmó mulópóló yae.

Talepaae mo kée yóló moma yale fo

⁴⁻⁵ Ẹ tẹteróló kaae tare Kótópaae momatere sukamó yā kisipa yó taru, Talepaae mo kée fo du beterapó. Ti noatepa meipó. So whì feané yāta, Tale Yesu Kerisopaae kisipa tiki tiró betóo, Kótóné wisiróló kae beteró betere so whì feapaaekélé yaala sókó fóo, du beterapó deté fole fo yālo wosetereteiné dapó. ⁶ Naao tuẹ tiki tiraterere ala mepaae so whìpaae yó materetei atima tuāmó mo du oleyópóló yālo yā momarótu beterapó. Atétu, Keriso tuāmó mole wisi wisi ala fea dāné sóró tarapóló mo diriyóló tuẹ yaalopó. ⁷ No-ó, Kótóné wisiróló kae beteró betere so whìpaae naao wisi ala erótu betaleteiné, atimané kisipa felérótua yalepó. Naao atéró yaala sókó fole alané yālo hosaa diriróló, ẹ mo doa hājné sukunótua yalepó.

Pol-né Onesimas wisiyóló dape sópóló yale fo

8-10 Téryalepóló, dąmo Keriso tuąmó bituraalu, ęąlo ęąpaae i ala yae yóló halaainé enépatei, taaróló yaala sókó fole ala betené ęąpaae dua woseratapó. Ęta Pol-né dapó. Ę otere yóló bitiré fóo, miókélé Yesu Kerisoné ala erótu beteremó *dipula* sóró beteró betóo iruraalu, ęąlo naale Onesimas-mó kisipa mutu woseratapó. Ęta, mo dirii képiné dokóló *dipula* betepa, ę ęąlo naale aleyóló beterepó. ¹¹ Take bitiré wouraalu, ama ęą fasóló naao erae dere ala fea ama wisiyóló eréni, hęle hęko beterepó. Atéyaletai, mió dąmo wusuróné dere fo wosóló, dąmo aęmó sukóló bituraalu, erae dere ala fea ama sųmó eranérápó.

¹² Ti ęta, mo ęąlo hosaa mole naaletai, ęą beterepaae wópóló momó dotonatapó. ¹³ Yesuné fo wisi yó mótu betailemó, *dipula* bemó dirii képiné dokóló beteró betepa, naao ę tao su betere kaae, ęą betere sirimó ę bituraalu, ę tao sópóló ętamo betaai kisipa mualetai taaróló ęą beterepaae dotonatapó. ¹⁴ Atéró ę ętamo bituętai, naao ai ala yae dere fo woseniruraalu, ę ęąlo tanénipó. Naao ępaae eraaire ala ęąlo ęą sęrateremó ini, naao kęleaané ępaae hosaa muóló wisi ala eraasepóló, naao naase tuąmó i mulatere ape. ¹⁵ Kale seké ę ętamo betaletai, ęą taaróló kae bitę fele beteta, ti take ętamo betąmó mo titóró beterópóló, kapala asiri kae beterótu yalepó. ¹⁶ I sekęta naao kutó diratere whę betepatei, ai tó mó mió naao hosaa turó mole nopóló wisiyóló dape sae. Ti noatepae, ęta mo whękélé betóo, Keriso nokélé betóo ereteiné ę mo ęąlo hosaa mole notóró beterapó. Téreteiné naao

ą kilituraalu, ąpaae hosaa mo turó mulaalo ai ape.

¹⁷ Atérené naaotamo ąąmo Kótóné alamó betą kutó ditere whįpóló kisipa mutupa, ti naao ę wisiyóló dape saai yale su ą wisiyóló dape sae. ¹⁸ I sekęnétamó me dowi ala ó naao ąlakó ąlémi sale kwia mupa, ti yąłotei tokó melaalopa, ępaae yae. ¹⁹ Ęta, Pol-né mo yąłó naasenétei i așę dapa kelaie. Ai kale kwia yąłotei melaalo ai ape. Ti yą betere beteta, naaotei tuę muae. Yąłó yąpaae erale ala eróluąmeisóró, ti yą atéró bituąmeipó. Atéyale alané yąpaae kwia mupa hąkearóló uątei, me ąla meipóló taalatapó. ²⁰ No-ó, ąąmo wusuró Talené ala tuąmó bituraalu, yąłó enée yóló mutere kisipa mió naaomo ępaae eraasepólópó. Atétepa, ti ąąmo Yesu Keriso tuąmó bitu, yąłó kisipa tiki felératere ala yaalo ai ape. ²¹ Yąłó dere fo naao mo wosóló eraalopóló kisipa muturaalu, yąpaae i așetere ape. Ti noatepa meipó. Yąłó i eraasepé dere fo naao mo wosóló eróturaalu, naaomo tómó beleróló eraalopóló kisipa mutapó.

²² Téró, fo meta i ape. Ęta waalopa, fiyaaire tiki betą donoróló mulae. Ti noatepae, naao Talepaae momayale ala Kótóné wosóló, take ąąmo wusuró betąmó bitu yale kaae, miókélé atéró betąmó betaai kisipa mutapó.

²³ Yesu Kerisoné ala erótu betepa, ętamo betąmó *dipula* sóró beteró betere whį Epapras-nékélé yąpaae kőleó dapó. ²⁴ Ętamo betą kutó ditere whįrape Mark, Aristarkus, Demas, Luk ai whįrape atimanékélé diąpaae kőleó fo i dere ape.

²⁵ Tale Yesu Kerisoné ama hąle hamokoróló

tao sere ala wisinaale, naao kepe bete tuamó
mulópóló yae.

Yesu Kerisoné So Whi Tao Sere Kisi Fo Wisi
The New Testament in the Folopa Language of Papua
New Guinea

Nupela Testamen long tokples Folopa long Niugini

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

4e9b4b04-0b47-5583-9c4d-fb82cfdd65c2